

ISTRAŽIVANJE Kako se finansiraju udruženja građana



Federacija BiH daje dva puta više novca od RS za funkcioniranje civilnog sektora • Aktivna polovina od 12.000 registriranih NVO

Rezultati zajedničkog istraživanja Fondacije za socijalno uključivanje (FSU) u BiH i Centra za promociju civilnog društva (CPCD) o finansiranju nevladinog sektora u BiH pokazuju da su nevladine organizacije (NVO) velikim dijelom finansirane od države.

Podatak da su sa svih nivoa vlasti u BiH nevladine organizacije 2010. godine finansirane sa čak 114 miliona KM suprotan je uvriježnom mišljenju o tome da nevladin sektor opstaje isključivo zahvaljujući međunarodnim donacijama.

Direktorica FSU Ranka Ninković-Papić pojašnjava za „Dnevni avaz“ da je istraživanje rađeno putem ankete. Provedeno je od 3. no-

Brojke
12.000 organizacija registrirano u BiH
295 vladinih institucija učestvovalo u istraživanju
34,3 posto novca otišlo sportskim udruženjima
16 posto za boračko-invalidska udruženja

vembra do 31. decembra prošle godine, tako što je 11 anketnih pitanja upućeno na 303 institucije svih nivoa vlasti u BiH. Odgovorilo je 295 vladinih institucija.

Na pitanje koliko je danas nevladinih organizacija u BiH i postoje li podaci koja je od njih lani

dobila najviše novca, Ninković-Papić kaže da je u BiH registrirano oko 12.000 NVO, od čega ih je polovina aktivna.

Nemamo podataka o pojedinačnom finansiranju NVO, ali imamo po sektorima. Tako je, recimo, 34,3 posto sredstava otišlo sportskim organizacijama, a 16 posto boračko-invalidskim - ističe Ninković-Papić.

Prema rezultatima istraživanja, najviše sredstava za NVO lani su izdvojile federalne institucije, čak 72,5 miliona KM, dok je RS participirala sa oko 33,6 miliona.

A. SIŠIĆ

Političko pokroviteljstvo

Tako i sama rukovodi jednom od nevladinih organizacija, Ranka Ninković-Papić ne spori da postoji realna opasnost od direktne političke kontrole nad nevladinim

sektorom.

Takva opasnost postoji, a sigurno postoje i neke NVO koje su podložne ruke određenih politika - upozorava ona.